

Ein anders widder den Gries.

Nym wassermüntz die rote stengel haben / vnd harn-  
wunderkraut / am lufft gederrret / nicht an der sonnen od-  
der beim feuer / puluers vnd nisse es auff gepeetem brod.

Item / nym nüsblat ynn wein / odder widderthat /  
die bletten am stihl / puluers / legs vber nacht yn wein /  
trinck's nüchtern als viel als ynn ein nuschalen gehen  
mag.

Ein anders.

Nym Tachs schmaltz / schmir's an die end da der  
schmertz ist / beim heysen feuer / odder beim ofen.

Widder den Gries isse des morgens nüchtern Fran-  
witpeer.

Ein anders.

Nym Nasenbeinlen aus den hyndern füßen / sein als  
die Ponen / die derre vnd stoss / trinck's ynn gutem wein.

Ein anders.

Nym Kettig / schneid yhn zu kleinen stücklein / legs  
yn ein kopff / geus weissen wein daran / las vber nacht  
stehen / trinck's fru vnd spat. Item / Pfifferling was-  
ser ausgebrent / trinck' yhe ein löffel vol. Item / nym  
wegdraten / vnd den stammen von rotem Köhl / send  
die zwey mit einander bis der dritteil eingesend / trinck'  
das / es hilfft.

Fur die Feigblattern.

Nym ein flecklen scharlachs / odder sonst des besten  
tuchs wullen / so du haben magst / tunc' das yn feyel  
öl / das warm sey / vnd legs vber die blattern / es verge-  
het / hastu aber kein feyelöl / so nym sonst ein baum öl.

Sonst bö's geschwer / heyle also.

Bünd Kleyen mit essig vber das geschwer. Item  
nym E geln / brenn sie zu puluer / lege des puluers yn ein  
offen geschwer odder fisteln / es heylet gar schöu / Od-  
der nym scabiosam / heist Syndelbaum / brenn die zu

D ij puluer